



Sud Bosne i Hercegovine
Суд Босне и Херцеговине

Predmet broj: S1 2 K 021260 16 K

Datum objave: 11.04.2015. godine

Sudeće vijeće

Strika Mirsad – predsjednik vijeća

Debevac Ranko – član vijeća

Hasija Mašović – član vijeća

PREDMET TUŽILAŠTVA BOSNE I HERCEGOVINE

Protiv

H. F.

PRESUDA

Tužilac Tužilaštva Bosne i Hercegovine:

Čampara Dubravko

Branilac optuženog:

Kovač Mirza, advokat iz Sarajava

Broj: S 1 2 K 021260 16 K
Sarajevo, 11.04.2016. godine

Sud Bosne i Hercegovine, u vijeću sastavljenom od sudije Mirsada Strike, kao predsjednika vijeća, i sudija Ranka Debevec i Hasije Mašović, kao članova vijeća, uz sudjelovanje pravnog savjetnika Hadžić Ilvane, u svojstvu zapisničara, u krivičnom predmetu protiv H. F. optuženog za krivično djelo Organiziranje terorističke grupe iz člana 202d. stav 2. u vezi sa članom 1. Krivičnog zakona Bosne i Hercegovine (KZ BiH), a sve u vezi sa krivičnim djelom Terorizam iz člana 201. KZ BiH, povodom optužnice Tužilaštva Bosne i Hercegovine broj: T20 0 KTT 010562 15 od 22.05.2015.godine, potvrđene dana 10.06.2015.godine, i izmjenjene 28.03.2016. godine, te nakon održanog ročišta za razmatranje sporazuma o priznanju krivice i pretresa za izricanje krivičnopravne sankcije, u prisutnosti tužioca Tužilaštva BiH, optuženog H. F. i njegovog branioca, advokata Kovač Mirze, dana 11.04.2016.godine donio je sljedeću:

P R E S U D U

I.

Optuženi H. F., zvani ..., sin R. i majke H. rođene H., rođen godine u ..., općina ..., JMBG: ..., ..., državljanin ..., sa prijavljenim mjestom prebivališta u ulici ..., općina ..., po zanimanju menadžer u sportu, završen Fakultet tjelesnog odgoja u ..., oženjen, otac dvoje mlđb.djece

K R I V J E

Što je,

kao pripadnik, tzv. *selefijske zajednice* u BiH organizovane na području Bosne i Hercegovine, van zvaničnih institucija Islamske zajednice Bosne i Hercegovine, u nekoliko gradova i mjesta na području Bosne i Hercegovine, prikupio sredstva i napustio BiH s ciljem priključenja terorističkim organizacijama Islamska država Iraka i Levanta (ISIL) koje djeluju na području Sirije i Iraka znajući da su iste od strane Vijeća Sigurnosti UN-a od 30.maja 2013.godine proglašene kao terorističke organizacije i grupe, i to nanačin da je,

H. F., dana 20.09.2013. godine sa Međunarodnog aerodroma u Sarajevu avionom oputovao za Istanbul, odakle je ilegalno prešao granicu između Turske i Sirije i ušao u Siriju, gdje je otišao u namjeri da se bori na strani tzv. Islamske države organizovane na teritoriju Sirije i Iraka i terorističkim grupama Islamska država Iraka i Levanta (ISIL) koje djeluju na području Sirije i Iraka, a koje su na osnovu rezolucije R-1267 iz 1999. godine,

2

dana 30.05.2013. godine listirane kao terorističke grupe i organizacije od strane Vijeća sigurnosti Ujedinjenih nacija i koje imaju za cilj destabilizaciju i nasilnu izmjenu političkog i ustavnog poretka u Siriji, a čiji pripadnici svakodnevnim oružanim akcijama i to napadima na stanovništvo, ubijanjima, protupravnim zatvaranjima, uzimanjem talaca i drugim radnjama namjeravaju da prisile legitimne vlasti Sirije na izmjenu ustavnog poretka i političkog režima.

Dakle, postao pripadnik terorističke grupe i pružao pomoć terorističkoj grupi,

Čime je, počinio krivično djelo Organiziranje terorističke grupe iz člana 202d. stav 2. u vezi sa članom 1. KZ BiH, a sve u vezi sa krivičnim djelom Terorizam iz člana 201. KZ BiH,

Pa ga Sud, primjenom navedenih zakonskih odredbi i na osnovu odredbi članova 42. i 48. KZ BiH, primjenjujući odredbe o ublažavanju kazne u smislu člana 49. i 50. KZ BiH, osuđuje na

NA KAZNU ZATVORA U TRAJANJU OD 1 (jedne) GODINE

Na osnovu primjene zakonskog propisa iz člana 56. Krivičnog zakona BiH, optuženom se u izrečenu kaznu zatvora uračunava vrijeme provedeno u pritvoru u periodu od 03.09.2014. do 28.11.2014. godine.

Na osnovu odredbi člana 188. stav 1. Zakona o krivičnom postupku BiH, optuženi se obavezuje na plaćanje troškova krivičnog postupka o čijoj visini će Sud odluku donijeti naknadno, po pribavljanju potrebnih podataka.

II.

Prema optuženom H. F., sa podacima kao u spisu,

Na osnovu člana 283. tačka b) Zakona o krivičnom postupku Bosne i Hercegovine,

OPTUŽBA SE ODBIJA

Da je,

Dana 03.09.2014.godine suprotno članovima 2., 4. i 7. Zakona o oružju i municiji (Sl. glasnik RS“, br. 9/92, 53/93, 67/93, 48/94, 44/98, 39/2003, 101/2005 - dr. zakon, 85/2005 - dr.zakon, 27/2011 - odluka US i 104/2013) u kući u kojoj boravi u mjestu ..., u ulici ..., općina ..., nabavio i držao veću količinu oružja i to: 1 metak kalibra 45 mm, Četiri (4) ručne bombe kašikare, nepoznatih serijskih brojeva, Automatska puška „Kalašnjikov“, serijskog broja ACX087, sa pripadajućim okvirom sa pet (5) komada metaka, 164 komada metaka

cal. 7,62 x 39 mm u plastičnoj kutiji bijele boje, dvije kutije sa 28 metaka, kutija s pištoljskom municijom 9 komada 9 x 19 mm, kutija s 5 metaka kalibra 45 mm i 2 pištoljska metka kalibra 9 mm i 22 mm, Dva vojna rapa sa 7 okvira,

Dakle da je, neovlašteno i bez prethodno pribavljenog odobrenja nabavio i držao veću količinu vatrenog oružja i municije,

Čime bi, počinio krivično djelo Neovlaštena proizvodnja ili promet oružja ili eksplozivnih materija iz člana 399. stav 2. u vezi sa stavom 1. Krivičnog zakona Republike Srpske,

Na osnovu člana 189. stav 1. ZKP BiH, u dijelu presude kojom se optužba odbija, troškovi krivičnog postupka iz člana 185. stav 2. tačke a) do f) ZKP BiH, kao i nužni izdaci optuženog i nužni izdaci i nagrada njegovog branioca, padaju na teret budžetskih sredstava ovog Suda.

O b r a z l o ž e n j e

Optužba

Tužilaštvo BiH je dana 22.05.2015.godine, podiglo optužnicu broj T20 0 KTT 010562 15 kojom je H. F1., M. E., J. J., H. E., K. M., I. S., K. A., H. F2., L. E., D. I., H. S. i T.M. optužilo za izvršenje krivičnog djela Organiziranje terorističke grupe iz člana 202d. stav 2. u vezi sa članom 1. KZ BiH a sve u vezi sa krivičnim djelom Terorizam iz člana 201. KZ BiH, a K. M., K. A. i D. I. i za počinjenje krivičnog djela Nedoovoljeno držanje oružja ili eksplozivnih materija iz člana 371. stav 2. u vezi sa stavom 1. KZ F BiH, te H. F1. i za krivično djelo Neovlaštena proizvodnja ili promet oružja ili eksplozivnih materija iz člana 399. stav 2. u vezi sa stavom 1. KZ RS.

Sudija za prethodno saslušanje je dana 10.06.2015. godine potvrdio navedenu optužnicu¹. Nakon izjašnjenja o krivici optuženih, na kojem su se optuženi izjasnili da nisu krivi za počinjenje krivičnih djela iz predmetne optužnice Tužilaštva BiH, spis predmeta je upućen sudećem vijeću radi zakazivanja glavnog pretresa, koji je čitanjem optužnice započeo dana 28.12.2015. godine.

Dana 15.03.2016. godine, Sud je zaprimio sporazum o priznanju krivice zaključen 14.03.2016. godine između optuženog H. F. i Tužilaštva BiH, te je Sud u smislu odredbe člana 26. ZKP BiH donio rješenje da se radi razmatranja sporazuma, postupak u odnosu na optuženog H. izdvaja iz krivičnog postupka u odnosu na optužene M. E. i dr.

Prije ročišta zakazanog za razmatranje sporazuma, Tužilaštvo BiH je aktom od 18.03.2016. godine obavijestilo Sud da povlači sklopljeni sporazum, a iz razloga

¹ Rjšenjem Suda BiH broj S 1 2 K 018991 15 Ko od 16.07.2015. godine, optužnica Tužilaštva u odnosu na osumnjičenog L. E. je odbačena kao neuredna.

promjenjenih okolnosti na strani Tužilaštva, te da će Tužilaštvo Sudu podnijeti izmjenjenu optužnicu u odnosu na optuženog H., kao i novi sporazum koji će biti sklopljen u odnosu na izmjenjenu optužnicu.

Dana 30.03.2016. godine, Sud je zaprimio izmjenjenu optužnicu Tužilaštva BiH u odnosu na optuženog H. F., u kojoj je Tužilaštvo obavijestilo da odustaje od krivičnog gonjenja H. F. u odnosu na tačku II optužnice, a koja se odnosi na krivično djelo Neovlaštena proizvodnja ili promet oružja ili eksplozivnih materija iz člana 399. stav 2. u vezi sa stavom 1. KZ RS.

Sporazum o priznanju krivice

Sud je dana 30.03.2016. godine zaprimio sporazum o priznanju krivice koji je optuženi H. F., u prisustvu branioca, advokata Kovač Mirze, sklopio sa Tužilaštvom BiH dana 28.03.2016. godine. Sporazumom je optuženi priznao krivicu za krivično djelo Organiziranje terorističke grupe iz člana 202d. stav 2. u vezi sa članom 1. KZ BiH a sve u vezi sa krivičnim djelom Terorizam iz člana 201. KZ BiH i prihvatio da mu se izrekne kazna zatvora u trajanju od 1 (jedne) godine.

Razmatranje sporazuma o priznanju krivnje

Dana 11.04.2016.godine, održano je ročište za razmatranje sporazuma o priznanju krivice. Sud je utvrdio da je do zaključenja sporazuma došlo dobrovoljno, svjesno i sa razumijevanjem, te da postoji dovoljno dokaza o krivici optuženog. Sud je optuženom naročito skrenuo pažnju o mogućim posljedicama zaključenja sporazuma o priznanju krivnje, te je isti upoznat da ne može uložiti žalbu na krivičnopravnu sankciju ako je izrečena u skladu sa zaključenim sporazumom, da ne može uložiti žalbu protiv vrste procesa, te da mu Sud može dodjeliti troškove krivičnog postupka. Optuženi H. F. je pred Sudom potpuno i nedvosmisleno izjavio da se osjeća krivim za djelo koje mu je stavljeno na teret, izvršeno na način i u vrijeme navedeno u optužnici. Takođe je izjavio da u vrijeme zaključenja sporazuma na njega nije vršen bilo kakav pritisak da zaključi sporazum, te da je u to vrijeme kao i u vrijeme razmatranja sporazuma o priznanju krivice potpuno svjesno, svojom voljom, zaključio sporazum i dao izjavu o priznanju krivice. Prilikom odlučivanja Sud je ocijenio da je optuženi razumio da se sporazumom odriče prava na suđenje i da ne može uložiti žalbu na krivičnopravnu sankciju, koja će mu se izreći.

Razmatrajući izjavu o priznanju krivice u skladu sa odredbom člana 231. ZKP BiH, a cijeneći pri tom dokaze koji terete optuženog, Sud je odlučio prihvatiti izjavu o priznanju krivice optuženog H. F., nalazeći da je isti počinio krivično djelo Organiziranje terorističke grupe iz člana 202d. stav 2. u vezi sa članom 1. KZ BiH a sve u vezi sa krivičnim djelom Terorizam iz člana 201. KZ BiH

Dokazni standard

Standard "dovoljno dokaza", koji zakonodavac propisuje kao uslov za prihvatanje sporazuma, Sud je utvrdio na osnovu priznanja optuženog, i dokaza koji su uloženi u sudski spis, a na koje dokaze odbrana nije imala prigovora, tako su u predmetni spis

uloženi dokazi optužbe: **T-1** - Analiza sadržaja vještačenog računara po predmetu, „Damask“ broj 16-17/1-275/15, SIPA, Regionalni ured Tuzla od 10.03.2015. godine; **T-2** - Analiza sadržaja vještačenog računara po predmetu „Damask broj 16-17/1-478/15, SIPA, Regionalni ured Tuzla od 13.04.2015. godine; **T-3** - Izvještaj o postupanju po Naredbi Suda BiH br. S1 2 K 014147 14 Krn 18 od 02.09.2014. godine broj 16-14-04-1-853/13, SIPA, Regionalni ured Tuzla od 03.09.2014. godine sa priložima: Fotokopija Naredbe Suda BiH broj S1 2 K 014147 14 Krn 18 od 02.09.2014. godine, Zapisnik o pretresu stana, drugih prostorija i pokretnih stvari broj 16-14-1-1-126/14 od 03.09.2014. godine, Zapisnik o pretresu stana, drugih prostorija i pokretnih stvari broj 16-14-1-1-127/14 od 03.09.2014. godine, Fotografija potvrde o privremenom oduzimanju predmeta broj 16-14-1-1-136/14 od 03.09.2014. godine, Fotografija potvrde o privremenom oduzimanju predmeta broj 16-14-1-1-137/14 od 03.09.2014. godine, Potvrda o lišenju slobode broj 16-14-1-29/14 od 03.09.2014. godine, Zapisnik o pretresu osobe broj 16-14-1-1-134/14 od 03.09.2014. godine, Spisak oduzetih predmeta, **T-4** - Zapisnik o predaji lica lišenog slobode H. A. nadležnom tužiocu broj 16-14/1-29/14, SIPA od 05.09.2014. godine, **T-5** - Službena zabilješka broj 16-14/1-1-1484/14, SIPA od 29.08.2014. godine; **T-6** - Zapisnik o ispitivanju osumnjičenog H. A. broj 16/14-1-1-200/13, SIPA, Regionalni ured Tuzla 03.09.2014. godine; **T-7** - Zapisnik o ispitivanju osumnjičenog H. A. broj T20 0 KTT 0007857 14, Tužilaštvo BiH od 06.09.2014. godine; **T-88** - Izvještaj o izvršenoj analizi privremeno oduzetih predmeta broj T-16-04/1-04-1-748-334/13, SIPA od 20.02.2015. godine sa priložima: Izvještaj o izvršenoj analizi oduzetih predmeta broj T-16-04/1-04-1-748/13, SIPA od 09.02.2015. godine, Analiza privremeno oduzetih predmeta broj 16-17/1-164/15 od 12.02.2015. godine, Službena zabilješka broj 16-04/1-30/15 od 16.02.2015. godine, Službena zabilješka broj 16-16/1-41/15 od 19.01.2015. godine, Analiza sadržaja vještačenog predmeta broj 16-17/1-177/15 od 17.02.2015. godine; **T-89** - Dostava izvještaja o vještačenju broj T-16-10/2-04-1-748-400/13, SIPA od 02.04.2015. godine sa priložima: Službeni izvještaj, vještačenje dokaznog materijala broj T-16-10/2-04-1-748-400/13, SIPA, Sektor za operativnu podršku, Odsjek za operativno- tehnički nadzor i informatičku podršku od 02.04.2015. godine, Optički mediji DVD/CD sa izvještajima, 1 komad, Kopije optičkih medija pod tačkama 5.4,5.6,5.10,5.14,5.15, ukupno 6 komada, Dokazni materija naveden u tabeli izvještaja; **T-90** - Dostava izvještaja o vještačenju broj T-16-10/2-04-1-748-399/13, SIPA od 02.04.2015. godine sa priložima: Službeni izvještaj, vještačenje dokaznog materijala broj T-16-10/2-04-1-748-399/13, SIPA, Sektor za operativnu podršku, Odsjek za operativno- tehnički nadzor i informatičku podršku od 02.04.2015. godine, Optički mediji DVD/CD sa izvještajima, 2 primjerka, ukupno 2 komada, Dokazni materijal naveden u tabeli izvještaja; **T-91** - Dostava izvještaja o vještačenju broj T-16-10/2-04-1-748-438/13, SIPA od 20.04.2015. godine sa priložima: Službeni izvještaj, vještačenje dokaznog materijala broj T-16-10/2-04-1-748-438/13, SIPA, Sektor za operativnu podršku, Odsjek za operativno- tehnički nadzor i informatičku podršku od 17.04.2015. godine, Optički mediji DVD/CD sa izvještajima, 3 komada u 2 primjerka, ukupno 6 komada, Dokazni materija naveden u tabeli izvještaja, Dokazni materija vještačen po izvještaju broj T-16-10/2-04-1-748-244/13 od 22.12.2014. godine, Dokazni materija vještačen po izvještaju broj T-16-10/2-04-1-748-244/13 od 22.12.2014. godine, Dokazni materija vještačen po izvještaju broj T-16-10/2-04-1-748-

192/13 od 18.11.2014 .godine; **T-92** - Dostava izvještaja o vještačenju broj T-16-10/2-04-1-748-193/13, SIPA od 18.11.2014.godine sa priložima:Službeni izvještaj, vještačenje dokaznog materijala broj T-16-10/2-04-1-748/13, SIPA, Sektor za operativnu podršku, Odsjek za operativno- tehnički nadzor i informatičku podršku od 18.11.2014. godineOptički mediji DVD/CD sa izvještajima, 7 komada; **T-93** - Dostava nalaza, balističkog vještačenja B. H. broj T-16-04/1-04-1-748-252/13, SIPA od 25.12.2014.godine sa priložima: Nalaz balističkog vještačenja broj 15-24/14 POV od 17.12.2014. godine, Akt KDZ i TZ-a FUP-a broj 12-12/8-24/14 POV od 16.12.2014. godine, Stručni nalaz i mišljenje KDZ i TZ-a, FUP-a broj 12/8-1-2467/14 od 16.12.2014. godine; **T-94** - Službena zabilješka broj 16-04/1-62/15 od 25.03.2015. godine; **T-95** - Dostava odgovora, I. D. broj pov. 17-10-3-128/14, Ministarstvo sigurnosti, Granična policija od 10.09.2014.godine sa prilogom:Tabelarni prikaz iz prelaska državne granice za tražena lica i vozila sa suvozačima za vremenski period od 01.08.2012.godine do 01.09.2014. godine,**T-96** - Službena zabilješka broj 16-16/1-168/15 od 23.02.2015. godine; **T-97** - Službena zabilješka broj 16-16/1-165/15 od 23.02.2015. godine; **T-98** - Zapisnik o saslušanju svjedoka Fejzić Senaida broj 16-04/1-08/14, SIPA od 03.12.2014. godine, **T-99** - Zapisnik o saslušanju svjedoka Huseinović Sedina broj 16-02/1-3/14, SIPA, Kriminalističko istražni odsjek od 05.09.2014. godine; **T-100** - Zapisnik o saslušanju svjedoka Huseinović Sedina broj 16-02/1-3/14, SIPA, Kriminalističko istražni odsjek od 05.09.2014. godine; **T-101** - Zapisnik o saslušanju svjedoka Durić Azre broj 16-16/1-169/14, SIPA od 14.11.2014. godine; **T-102** - Zapisnik o saslušanju svjedoka Tahić Berina broj 16-16/1-170/14, SIPA od 15.11.2014. godine; **T-103** - Zapisnik o saslušanju svjedoka Rifet Šabić broj T-16-11/1-1-04-1-319/14, SIPA RK Banja Luka od 25.09.2014. godine; **T-104** - Zapisnik o saslušanju svjedoka Hasaga Crljenković broj T-16-11/1-1-04-1-298/14, SIPA RK Banja Luka od 09.09.2014. godine; **T-105** - Akt Ministarstva sigurnosti BiH broj 08-1-04-2-2208-1/15 od 08.04.2015. godine

Krivična sankcija

Na pretresu za izricanje krivičnopravne sankcije, iznesene su činjenice koje su od značaja za odluku Suda o prihvatljivosti kazne dogovorene predmetnim sporazumom o priznanju krivice, a stranke su saglasno izjavile da u cjelosti ostaju kod zaključenog sporazuma.

Tužilaštvo je navelo činjenicu da sve okolnosti na strani optuženog opravdavaju izricanje kazne zatvora ispod zakonskog minimuma propisane kazne. Naime, tužilaštvo je ukazalo da se optuženi iskreno pokajao za počinjenje krivičnog djela, da se korektno držao u toku krivičnog postupka, da je priznao krivicu u ranoj fazi postupka, da se radi o porodičnom čovjeku koji ranije nije osuđivan, što u svojoj ukupnosti opravdava da se izrekne predložena kazna zatvora, jer je srazmjerna težini počinjenog djela. Obrana se saglasila sa navodima optužbem i navela da je predložena sankcija prihvatljiva sa aspekta kako generalne, tako i specijalne prevencije.

Nakon ocjene svih činjenica i okolnosti koje su optužba i odbrana iznijeli i obrazložili na ročištu za izricanje krivičnopravne sankcije, Sud je optuženom izrekao kazna zatvora u trajanju od 1 (jedne) godine. Od olakšavajućih okolnosti na strani optuženog, Sud je

cijenio činjenicu da je priznanjem krivice i zaključivanjem sporazuma sa Tužilaštvom BiH doprinio bržem i efikasnijem okončanju predmetnog krivičnog postupka usljed čega su izostali i prekomjerni troškovi krivičnog postupka, te je time ispoštovano i načelo ekonomičnosti, ali ne na štetu pravilnosti i zakonitosti odluke. Sud je cijenio činjenicu da je optuženi porodičan čovjek, kao i da nije do sada osuđivan. Sud je posebno cijenio bezrezervno priznanje krivice i iskreno kajanje, te zaključio da postoje osobito olakšavajuće okolnosti koje opravdavaju ublažavanje kazne.

Po mišljenju Suda, izrečena kazna zatvora, je adekvatna kazna, srazmjerna kako težini djela, tako i ličnosti optuženog kao počinitelja. Sud je uvjerenja da se ovom kaznom može omogućiti ostvarenje svrhe krivičnopravnih sankcija na način da se utiče na optuženog da ubuduće ne čini krivična djela (specijalna prevencija), te da se utiče i na ostale da ne čine krivična djela (generalna prevencija), uz uvjerenje da će navedena krivičnopravna sankcija imati uticaj i na svijest građana o pogibeljnosti krivičnih djela i o pravednosti kažnjavanja učinilaca.

Uračunavanje pritvora

Odredbom člana 56. KZ BiH propisano je da će se u kaznu zatvora uračunati i vrijeme provedeno u pritvoru, kao i svako lišenje slobode u vezi sa krivičnim djelo. Primjenom navedenog člana u izrečenu kaznu zatvora u odnosu na optuženog H. F. uračunava se vrijeme provedeno u pritvoru u periodu od 03.09.2014. do 28.11.2014. godine

Troškovi krivičnog postupka

Članom 188. stav 1. ZKP BiH je propisano da kad Sud optuženog oglasi krivim, izreći će u presudi da je dužan da naknadi troškove krivičnog postupka. Iako je odbrana u završnom izlaganju istakla da je optužena lošeg imovnog stanja, u momentu donošenja presude, Sud nije imao na raspolaganju dokumentaciju na okolnosti finansijskog stanja optuženog. S toga je Sud, u skladu sa navedenom zakonskom odredbom, optuženog obavezao da naknadi troškove krivičnog postupka, o čijoj visini će Sud, u skladu sa odredbom člana 186. stav 2. ZKP BiH, odluku donijeti naknadno, odnosno po pribavljanju potrebnih podataka.

Odbijajući dio presude

Članom 283. tačka b) ZKP BiH propisano je da će Sud izreći presudu kojom se optužba odbija, onda kada je Tužilaštvo od započinjanja pa do završetka glavnog pretresa odustane od optužnice. Imajući u vidu navedenu zakonsku odredbu, te činjenicu da je Tužilaštvo izmjenjenom optužnicom od 28.03.2016. godine odustalo od krivičnog gonjenja H. F. u odnosu na tačku II optužnice, koja se odnosi na krivično djelo Neovlaštena proizvodnja ili promet oružja ili eksplozivnih materija iz člana 399. stav 2. u vezi sa stavom 1. KZ RS, Sud je donio presudu kojom se optužba u odnosu na optuženog H.F. u odnosu na tačku II optužnice odbija.

Odluka o troškovima krivičnog postupka temelji se na članu 189. stav 1. ZKP BiH kojom odredbom je između ostalog propisano da će troškovi krivičnog postupka iz člana 185.

stav 2. tačke a) do f) ZKP BiH, te nužni izdaci optuženog pasti na teret budžetskih sredstava, u slučaju donošenja odbijajuće presude.

Zapisničar

Ilvana Hadžić

**PREDSJEDNIK VIJEĆA
SUDIJA**

Mirsad Strika

POUKA O PRAVNOM LIJEKU: Protiv presude nije dozvoljena žalba na izrečenu krivičnopravnu sankciju, niti žalba na vrstu procesa. (član 231. ZKP BiH). Iz drugih razloga, te na dio presude kojom se optužba odbija, žalba na ovu presudu može se podnijeti u roku od 15 dana od dana dostavljanja pismenog otpravka presude.